

Bosna i Hercegovina
Federacija Bosne i Hercegovine
Zeničko-dobojski kanton
Grad Zavidovići
Gradsko vijeće Zavidovići
Gradonačelnik Grada Zavidovići
28.02.2024.godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
ŠTRUČNA SLUŽBA GRADONAČELNIKA

PREPIS

Primljeno:	18-03-2024		
Org. jed.	Kl. ozna.	Red. broj	Br. priloga
01	04	617/24	

N/R predsjedavajući Gradskog vijeća

INICIJATIVA

Inicijativa za osnivanje Kluba liječenih ovisnika o kocki

Obrazloženje:

Slijedom negativnih društvenih trendova u Bosni i Hercegovini i pojave teških oblika ovisnosti u našem gradu predložio bih gradskom vijeću da razmotri mogućnost osnivanja Kluba liječenih ovisnika o kocki koji bi pružao usluge ambulantnog liječenja i podrške ovisnicima u apstinencijalnom periodu liječenja.

Ambulante ovog tipa egzistiraju na nivou pojedinih gradova već izvjesno vrijeme i pružaju značajan doprinos u liječenju i izlječenju ovisnosti o kocki, a njihovo zasnivanje je u izravnoj koordinaciji sa centrima i zavodima za liječenje ovisnosti. Zasnivanje ambulante bi se planiralo u dogovoru sa JU DZ Zavidovići kao ovlaštenoj ustanovi za oblast liječenja i provođenja zdravstvene zaštite u našem gradu i pretpostavilo bi mogućnost rada ambulante u nekom od dislociranih prostora izvan doma zdravlja ili adekvatnom prostoru iz vlasništva Grada Zavidovići.

Osnovni koncept ambulante bi podrazumijevao adekvatno i stručno pruženu uslugu liječenja, vođenje medijskih kampanja za borbu protiv ovisnosti, uspostavu kontakata sa osobama koje su ovisne o kockanju, njihovu evidenciju, uspostavu Registra ovisnih osoba, prijedlog za nastavkom liječenja u nekom od specijaliziranih centara itd.

Kao poseban prilog navedenoj inicijativi saopštavamo sljedeće podatke: ovisnost o kocki u našem gradu ima epidemijske razmjere, po procjeni polovina stanovnika u zajednici u nekom trenutku svog života ima iskustvo sa kockom; otprilike polovina adolescenata podliježe iskustvu kockanja, značajan udio među ovisničkom populacijom čine žene, najveću zastupljenost među ovisnicima čine radno sposobne osobe, nepovoljni socijalni utjecaji kockanja na život pojedinaca i porodice su evidentni i prezentuju se najčešće poremećajima u porodičnom životu, braku, poslu, doprinose nepovoljnoj brakorazvodnoj statistici, kriminogenom ponašanju itd.

S poštovanjem

Vijećnik

Samir Skejić, s.r.

18)

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-622/24-AP-9
Datum: 15.03.2024. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Samira Skejića za osnivanje
Kluba liječenih ovisnika o kocki, dostavlja se

U prilogu akta dostavljam vam stav po inicijativi po inicijativi vijećnika Samira Skejića
podnesenu za osnivanje Kluba liječenih ovisnika o kocki.

Stav po podnesenoj inicijativi dostavljam u skladu sa članom 109. stav (5) Poslovnika o
radu Gradskog vijeća Zavidovići – novi prečišćeni tekst („Službeni glasnik Grada Zavidovići“,
broj: 7/2022 i 1/2023).

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-04-622/24-AP-8
Datum: 15.03.2024. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Samira Skejića za osnivanje Kluba liječenih ovisnika o kocki dostavljam:

PREDMET: Stav po inicijativi vijećnika Samira Skejića za osnivanje Kluba liječenih ovisnika o kocki, dostavlja se

Inicijativu vijećnika Samira Skejića za osnivanje Kluba liječenih ovisnika o kocki treba prihvatiti.

Smatramo da je ista prihvatljiva zbog velike društvene pošasti koju uzrokuje ovaj društveni problem s tim da bi trebalo tražiti prethodno stav JU „Dom zdravlja“ Zavidovići o projekciji potrebnih aktivnosti i preduslova koje bi trebalo ispuniti da bi ovakav tip ambulante funkcionisao, te da Gradsko vijeće Zavidovići Odlukom zaduži JU „Dom zdravlja“ Zavidovići za provođenje ove inicijative i pokretanje ambulante ovog tipa uz raspoložive ljudske, prostorne, tehničke i finansijske resurse JU „Dom zdravlja“ Zavidovići.

S poštovanjem

Dostavljeno:

1. Naslovu,
2. U spis.

Obradio:

(Muamer Hrvic)

Kontrolisao:

(Idriz Alihodžić)



GRADONAČELNIK

doc. dr. Hašim Mujanović